



थुकि दुने



बहा: बही संरक्षण सुना याइ ?
राजेन मानन्धर - २



हर्ष उल्लासलिसैं हनीगु कृष्ण
जन्माष्टमी
प्रेममान डंगोल - ३

ह:पा:या चक्कंगु नुग:
प्रतिसरा साय्मि - ४

श्रद्धाया छपास: कवि पूर्ण वैद्ययात
नारद बज्राचार्य - ५

साहित्य - ६

जगत वीरसिंह कंसाकार
मिलन शाक्य
रविन्द्र रजनी श्रेष्ठ
कविन्द्रलाल प्रधान

नेपालभाषा साहित्य ख्य:या न्हू कविता ख्यलय् त:धंगु क्षति लुकुंबित ल: ल: ख: कबिताया च्वमि कवि पूर्ण वैद्य

नुपेन्द्र लाल श्रेष्ठ

कोरोना भाईस महामारी मुक्क हलिंयात हे आक्रान्त दयकात:गु दु । थुकिं गबले मुक्ति चूलाइ व न्हापा थें याउँक सास: ल्हाय् गबले खनीगु धइगु हे लकस दथुइ मुक्क हलिं वाथावाथा कनाच्चंगु दु । कोरोनाया दु:ख नेपा:यात वा नेवा:तयत जक जुयाच्चंगु ला मखु, तर नं कोरोना संक्रमणया निगुगु लहरं नेवा:तयगु नुगलय् यक्व हे तियाब्युगु दु । संक्रमणया निगुगु लहरं नेपालभाषा अले साहित्य ह्यमितयगु मिखाय् ख्वबि हे सुकाब्युगु दु । थुगु पालय् नेपालभाषा ख्यलं त:म्ह हे भाषा ख्य:या कार्यकर्ता लिसैं धिसिला:गु थां हे क्वथलाबिल । गुलिं कोरोनाया हुनिं हे मदयावन सा गुलिसिया मेमेगु ल्वय्या हुनिं नं ज्यान वन । संक्रमणया निगुगु लहर दथुइ ता: ई न्ह्य:निसैं म्हं मफयाच्चंम्ह जिवीत इन्साक्लोपेडिया कथं म्हस्युम्ह प्राध्यापक माणिकलाल श्रेष्ठ मन्त । समालोचक इन्द्र माली कोरोना संक्रमणया हे हुनिं मदयावन । अथे हे, गायक संगीतकार स्वयम्भुराज शाक्य, मूर्ति कलाकार राजकुमार शाक्य, कलाकार लिसैं अध्येता अन्वेषक एकाराम सिंह कोरोना संक्रमणया हुनिं



‘महासागरय् उव:फुति ल: दु, व जिं मस्यु तर छफुति लखय् नं जान सम्पूर्ण महासागर न्ह्यनाच्चनी पूर्ण वैद्य अन हे म्वानाच्चनी’ सुरेश किरणं च्वयादीगु दु ।

हे मन्त । गोलडन भ्वाइस प्रेमध्वज प्रधान हृदयघातया हुनिं मन्त । लिपांगु खुसी ल: ल: ख: कबिता च्वयादीम्ह नेपालभाषाया नांजा:म्ह कवि पूर्ण वैद्य नं भीत त्व:ता: थ:गु देह त्याग याना: भाल ।

व्यक: वंगु बिहिबा: बहनी यलया निदान अस्पतालय् मद्गु ख: । कब्जयतया समस्या जुइधुंका: वंगु भदौ २ गते व्यक: यलया निदान

अस्पतालय् भर्ना जुयादीगु ख:सा अस्पतालय् कोरोना परीक्षण या:बलय् रिपोर्ट पोजिटिभ क्यंगु ख: । लिपांगु इलय् अक्सिजनया मात्रा म्त्व: जगुलिं व्यक:यात भेन्टिलेटरय् तया: वास: यानाच्चंगु ख: । तर व्यक: अन्तत: भी सकसित त्व:ता: भाल ।

नेपालभाषा साहित्य क्षेत्रय् न्हू कविताया शुरुवात या:म्ह कवि कथं कयात:म्ह वैद्य मदयधुंका: नेपालभाषा

ह्यमि अले साहित्यकारतयसं मद्गुम्ह वैद्ययात श्रद्धान्जलि प्वकुसे सामाजिक संजालय् भावना प्वकूगु दु । वरिष्ठ पत्रकारया नापं कवि सुरेश किरणं साहित्यिक ढङ्ग हे थ:गु भावना प्वकुसे पूर्ण वैद्य अमर जुयाच्चनीगु धयादिल । ‘महासागरय् ग्व:फुति ल: दु, व जिं मस्यु तर छफुति लखय् नं गन सम्पूर्ण महासागर न्ह्यनाच्चनी पूर्ण वैद्य अन हे म्वानाच्चनी’ सुरेश किरणं च्वयादीगु दु ।

कवि लिसैं गजलकार भूषणप्रसाद श्रेष्ठ च्वसापासापाखें बिचा: हाय्कुसे थ:गु फेसबुक वालय् थथे च्वयादिल, ‘बिचा: हायेका ! ‘च्वसापासा’या पुलांम्ह पासा, हनेबह:म्ह साहित्यकार पूर्णबहादुर वैद्यजु आकाभाकां मदया: नेपालभाषा-ख्य:या गद्यकविता व कवितात्मक निबन्ध-ख्यलय् पर्के मफइगु ह्याकिं वन !’

संचारकर्मी लिसैं म्येहालामि रिता महर्जनं मेट्रो एफ एमय् थम्हं कवि पूर्ण वैद्यया अन्तर्वार्ता का:गु इलय्या किपा शेयर याना: बिचा: हाय्कादीगु दु । ‘व्यक:नाप स्वापू दर्सानिसैं सदां साहित्य सृजनाय् चिन्तन मनन यानावया च्वनादीगु खनाम्ह ल्यं ७ पेज्य

कोरोनाया दथुइ यँया:या साइत



यँया दक्कले त:धंगु जात्रा कथं काइगु यँया:या थुगुसीया ज्याइव:या साइत पिहांव:गु दु । नेपाल पञ्चाङ्ग निर्णायक समितिं य:सिं का:वनीगु वनयात्रानिसैं य:सिं क्वथयेगुतकया साइत सार्वजनिक या:गु ख: । पञ्चाङ्ग समितिं सार्वजनिक या:गु साइत कथं हनुमानध्वाखा तलेजु न्ह्य:ने थनीगु ‘ य:सिं’ कायत भाद्र २३ गते बुधवा: सुथसिया १०:५२ मिनेटय् वनयात्रा याइ । नेवा: समाजया साय्मि समुदाय य:सिं ह्यत चित्तपोलस्थित य:सिंख्यलय् वनयात्राय् वनेगु याइ ।

अथे हे, य:सिंयात मा:गु मिसा पालेगु साइत व हे दिनय् बहनी ७:२७ ता: इलय्या दु । भाद्र २९ गते मंगलवा: सुथय् १०:३४ ता: इलय् य:सिं देशय् दुकाइ ।

य:सिं थनेगु साइत असोज २ गते शनिवा: सुथसिया ६:५१ ता: इलय्या पिहांव:गु दु । य:सिं थनेधुंका: यँया भ्र:भ्र: धाइ । कुमारी लिसैं गणेश व भैरवया रथयात्राया इवल्य् भाद्र शुक्ल चतुर्दशीया दिनय् क्व:नेया: न्याय्केगु परम्परा ल्यं ७ पेज्य



हर्ष उल्लाससित्तै हनीगु कृष्ण जन्माष्टमी



प्रेममान इंगोल

श्रीकृष्ण भगवानयात ५ हजार दै न्हयः जुगु धयातःगु महाभारत युद्धया मू पात्र कथं कयातःगु दु । अतिकं कुटनीति यायूसःम्ह कृष्णयात स्वनिगःया नेवाःतयूसं धूर्त व छलिया रूप्य नं कयातःगु दु । छायाःसा यैयाम्ह किराँती जुजु यलम्बरयात महाभारत युद्ध स्वःवंबलय कृष्णं छल यानाः सुदर्शन चक्र छ्यं ध्यनाब्यूगु खः धाइ । कौरव व पाण्डवतयुद्ध दथुइ जुगु युद्धय सु बुइ वयागु हे पक्षय ल्वायु धकाः नेपालं युद्ध मैदान कुरुक्षेत्रयुद्ध थ्यंकवम्ह जुजु यलम्बरं बूम्हपाखे वनाः युद्ध यानाच्वन धाःसा महाभारत युद्धया अन्त्य हे मजुइगु तायुकाः कृष्णं छल यानाः जुजु यलम्बरया छ्यं ध्यनाः ब्यूगु खः धाइ । किराँती जुजु यलम्बर नेवाःतयु आजुघाः खः ।

जुजु यलम्बरया छ्यं कुरुक्षेत्रं ब्यावयाः वंगलयु थ्यंकःवःगु खंकाः जनतातयूसं वंगलयु तुं देगः दयुकाः पलिस्था यानातःगु खः । जुजु यलम्बरया छ्यं वंगः थ्यंकःवःबलयु सिद्ध जुगु खः धाइ । दैयुदसं यैयाःया इलयु देगःया न्हयःने आजुघाः ब्ययुगु याइ ।

दैयुदसं कृष्णाष्टमीकुन्हु थीथी ज्याइवः व जात्रा यानाः हना वयाच्वंगु दु । तर नेपालयु धाःसा नेपाल सम्वत ७५७ य जुजु सिद्धिनरसिंह मल्लं ल्वहं हे ल्वहतं दयुकूगु २१ गः गजु दुगु विश्व प्रशिद्ध कृष्ण मन्दिर यल लायुकू न्हयःने पलिस्था यायुधुंकाः श्रीकृष्णया महिमा व महत्व अप्वयावंगु खः ।

कृष्ण मन्दिरया दुने महाभारतसित्तै रामायणया थीथी कृपा अतिकं कष्ट यानाः कलात्मक ल्वहतयु कयातःगु दु । अथे हे, देगःया प्यखेरं ल्वहंतयु विष्णुया दश अवतार मत्स्य, कुर्म, वराह, नृसिंह, वामन, परशुराम, राम, कृष्ण, बुद्ध व कल्किया कवितात्मक भावयु पलिस्था यानातःगु दु । कृष्ण मन्दिर दुने मू घः कथं श्रीकृष्ण व

अथे हे, कलात्मक विशाल देगः मजूसं यैया लायुकू न्हयःने च्यासः च्याकुं लाःगु कृष्ण मन्दिर दयुकातःगु दु । नेपाल सम्वत ७६९ इ प्रताप मल्लया ३०म्ह लानितमध्ये अतिकं यःपिं निम्ह राजमति व अनन्त प्रिया छक्वलं दिवंगत जुयाः दुःख तायुकाच्वंम्ह जुजुं थःत कृष्ण व लानिपिन्त राधाया प्रतिककथं चिचीधंगु कलात्मक मूर्ति निर्माण यानाः च्यासि कृष्णया खः जात्रा न्हयाकूगु खः ।

सत्यभामाया मूर्ति दु ।

नेपालभाषां रञ्जना लिपिं थीथी घटनाया विवरण देगलयु ब्यावयातःगु दु । श्रीकृष्ण जुजु सिद्धिनरसिंहयात जिगु व सत्यभामाया मूर्ति पलिस्था यानाः देगः दयुकि धकाः म्हगसयु वयाः उजं ब्यूगुलिं गुरु हरिवंश उपाध्यायया सल्लाहकथं मूर्ति पलिस्था यानाः देगः दयुकाः तःधंगु मेला न्हयाकूगु खः । कृष्ण मन्दिरयु कृष्णाष्टमीकुन्हु चिच्छ जाग्राम च्वनाः भक्तजनतयूसं पूजापाठ, भजनकिर्तन याइ ।

हर्ष उल्लाससित्तै हनीगु कृष्ण जन्माष्टमीकुन्हु सुथयु राष्ट्र प्रमुखया नं घः दर्शन यायुत वइगु व भक्तजनतयु म्वःम्वः जुइक कृष्ण मन्दिरयु तःधंगु मेला हे जुइ । कृष्ण जन्माष्टमीकुन्हु चान्हयु यलयु त्वाःत्वाःपतिकं कृष्णया खः जात्रा याइ ।

श्रीकृष्णया थीथी कथंया लीला लुमान्तिकथं कृष्णाष्टमीकुन्हु देयुन्यंक थीथी ज्याइवः यानाः हनी । ख्वपयु नं त्वाःपतिकं राधाकृष्ण व कृष्णया बाललीला ब्ययुगु याइसा दत्तात्रययु भक्तजनतयु तःधंगु भीड जुइक मेला हनी ।

कृष्णाष्टमीकुन्हु कृष्णया जन्मन्हिकथं मू पर्वया रूपयु हनेगु इवलयु यैया थँबहिलिइ दुगु ब्रम्हकुमारी राज सेवा केन्द्र, कृष्ण प्रणामी, इस्कोन, भुइजःसि, कृष्ण सेवा केन्द्र इमाडोल, राधाकृष्ण वेदान्त समाज यल, साइबाबा केन्द्र नारायणचौर नक्साल, तोखा, सक्व लगायत थीथी थासयु कृष्णया खः जात्रा, कृष्णया भाँकी दयुकाः नगर परिक्रमा याकी ।

अथे हे, कलात्मक विशाल देगः मजूसं यैया लायुकू न्हयःने च्यासः च्याकुं लाःगु कृष्ण मन्दिर दयुकातःगु

दु । नेपाल सम्वत ७६९ इ प्रताप मल्लया ३०म्ह लानितमध्ये अतिकं यःपिं निम्ह राजमति व अनन्त प्रिया छक्वलं दिवंगत जुयाः दुःख तायुकाच्वंम्ह जुजुं थःत कृष्ण व लानिपिन्त राधाया प्रतिककथं चिचीधंगु कलात्मक मूर्ति निर्माण यानाः च्यासि कृष्णया खः जात्रा न्हयाकूगु खः । थथे थीथी ज्याइवः यानाः देयुन्यंक कृष्णाष्टमी हनी । घःला समाजया नायःसुइ दैयुदसं नागपञ्चमीकुन्हुनिसै न्हयाइगु भतिगाः आजु लाखयु प्याखं टेकु सबलबहालयु कृष्णाष्टमीकुन्हु क्वचाइ ।

नेपाल सम्वत २६२ इ छमा सिमाया सिं मरुसतः दयुकेधुंकाः ल्यं दुगु सिं दयुकूगु सिँल्यंसतः जुयाच्वन । तर अन छुं नं घः धाःसा मतःगु जुयाच्वन । नेपाल सम्वत १०४० य सिँल्यंसतः सतिकं तहबिलयु च्वंम्ह धमना सायुमिया छैयु मिं नयाः न्हूगु छै दयुकेत जग म्हबलयु प्यपा ल्हाः दुम्ह कृष्ण नारायणघःया धातुया मूर्ति लुयावःगु जुयाच्वन । तत्कालीन राणा सरकारयाके स्वीकृत कयाः लुयावःम्ह कृष्ण नारायणघःया मूर्ति पलिस्था यानाः प्यखे कुनयु सिंह दयुकाः तःगु खः । सिंह तयुधुंकाः व हे सिँल्यंसतःया नां सिंहसतः जूवंगु खः ।

थथे देयुन्यंक कृष्ण जन्माष्टमी हनाच्वंगु इलयु नेवाःतयु वस्ती दुगु पाल्पायु धाःसा रणउजेश्वरी भगवतीयात म्येयु बलि बियाः खः जात्रा याइ । भगवतिं महिषासुर दैत्यया वध याःगु लसता कथं म्येयु, हँयु, दुगु, फे, खा बलि बियाः दाफा भजनसहित रणउजेश्वरी देवीया चिच्छ हे धइथे तःजिक जात्रा याइ । वयां कन्हयु गुलागा नवमीकुन्हु चिच्छ देवा ज्विपिं, घःखः कुबूपिं व जात्रायु ब्वति कयाः



नेपालयु धाःसा नेपाल सम्वत ७५७ य जुजु सिद्धिनरसिंह मल्लं ल्वहं हे ल्वहतं दयुकूगु २१ गः गजु दुगु विश्व प्रशिद्ध कृष्ण मन्दिर यल लायुकू न्हयःने पलिस्था यायुधुंकाः श्रीकृष्णया महिमा व महत्व अप्वयावंगु खः ।

म्वहालि याःपिं सकसित भगवतियात भोग ब्यूगु म्येयुया ला तयाः भव्यु नकी । भव्यु नकेधुंकाः घःखः कुबूपिन्त बेतालिं पुइकाः, ह्याउँगु क्वखा क्वखायुकाः, सिन्हः तिकाः न्हिनयु रणउजेश्वरी देवीया सिन्हः जात्रा याइ । थ्व जात्रायु प्रहरीं तोप मुइकाः सलामी बियाः बधाई बी । ढोलक, झ्याली, पंचे बाजं, बौद्ध बाजं थानाः नगर परिक्रमा याइ । थ्व भगवती जात्रा अँग्रेजनापं जूगु युद्धसित्तै स्वापू दुगु जुयाच्वन ।

सन् १७३४ निसै १७९७ तक नेपाः व अँग्रेजया दथुइ युद्ध जूबलयु पाल्पायाम्ह बडा हाकिम कर्णेल उजीर सिंह थापां तानसेनयाम्ह भगवतीयात युद्धयु त्याकेफःसा राजकीय सम्मान कथं जात्रा यायुगु धकाः प्रार्थना याःगु जुयाच्वन ।

भगवतीयात प्रार्थना यायुधुंकाः कर्णेल उजीर सिंह थापां बुटवलया तिनानु खुसि दुगु माणि मुकुन्द सेनया पुलांगु भन्नावशेष दरवायात किल्ला दयुकाः निक्वःतक अँग्रेजया जनरल उडयात युद्धयु बुकेत ताःलात । सन् १८१६ मार्च ३ कुन्हु सुगौली सन्धी जुइधुंकाः भगवतीया चिकिचाधंगु देगःयात तःधंक दयुकाः राजकीय सम्मानसित्तै जात्रा न्हयाकूगु खः धाइ । अँग्रेजनाप युद्ध त्याकाः उजीर सिंहं पलिस्था याःगु घः जुयाः हे रण उजेश्वरी नां जूवंगु खः धाइ । थ्व रण उजेश्वरी भगवतीया जात्रा पाल्पा देयुया मौलिक परम्परागत जात्रा जूवंगु दु । थुकुन्हु हे थन काजी अमर सिंह थापां न्हयाकूगु लक्ष्मीनारायणया खः जात्रा नं ब्यागलं न्हयाका वयाच्वंगु दु ।

- (क) व्यापारी त्यासा
- (ख) हायरपचेज त्यासा
- (ग) आवासीय त्यासा



- (घ) शेयर त्यासा
- (ङ) मुद्दती रसिद धितो त्यासा
- (च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछै, पाको, न्हूसतक, यै, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राखुहोस् ।

आउटडोर भेज क्याटरिङ पनि गरिन्छ ।

हःपाःया चक्कंगु बुगः



- प्रतिसरा सायमि

बिद्यार्थीतयसं थःगु जीवनय् गुरुपिनिगुपाखें आपालं थीथी ताजिया शिक्षा काय्गु अवसर दइ उगु ई धइगु स्वर्णमि ई जुइ। वय्कःपिनिपाखें गुगुं विषयस विशेषता हासिल यानाः काय्फइगु धइगु बिद्यार्थीतयगु निरिंत सुअवसर कथं भूसं काय्माः। आपालं गुरुपिनिगुपाखें शिक्षा काय्खंसां कवि गुरु पूर्ण वैद्य जिपिं छपुचः बिद्यार्थी पासापुचःया निरिंत धाःसा तःधंगु हे भलसा जुयादिल। अथे धकाः मेपिं पासापिनिगु निरिंत नं उतिकं हे हःपाःया नुगः चककाः थःगु विद्वता ब्ययामदी धाय्त्तनागु मखु। बाखं, समालोचना, चिनाखं, च्खं आदि छ्यलय् जिमित च्चसा न्ह्याकेत लिध्वासा जुयाः दना बियादिल। थःगु सौम्य, शालीन, निश्छल स्वभावं जिपिं सकलें पासापुचःयात जिमिसं मसःमसःसां मछाः पहलं च्चयाः सरयात वयनेगु यायां वना। 'हतेरी ! थथे नं च्चय्गु ला' धकाः जिमित गबलें नं वय्कलं न्वानामदी।बर अःखबतं हःपाः बिइकथं 'च्यय सय्केगु थुकथं हे ला खःनि। बुलुहुं बुलुहुं सइ का, च्चच्चं हुं, मेपिसं छु धाइ थें धकाः च्चसा जक दिकेमज्यू का। सगरमाथाया च्चकाय् याकनं थ्यंके मास्ति वल धाय्वं कुतः मयाय्कं थ्यंके फइमखु' थथे हःपाः बियादीमह गुरुया आशिर्वादया ल्हाः थौं जिमित मन्त। सादर श्रद्धां नमन यानाः लुमकाच्चना।

ने. सं. १०८४स नेपालभाषाया आधुनिक गद्य कविताया छ्यलय् दकले न्हापां जनस्तरं स्वनातःगु अतिकं तःजिगु श्रेष्ठ सिरपाःलं छायाप्युमह ब्यक्तित्व खः वयकः। 'कविताया लागा' 'लः लः खः' (लः छगू बिषयस जकया ८४पु



वयकःया कविता मथू, क्लिष्ट धाइपिं नं मटुगु मखु। दुरुस्वः नय्बलय् गुलि न्हयल उलि सावक सवाः वइगु कविता वयकःया कविता खः। सरल भाषां तर गहन दर्शन व विज्ञान वयकःया प्रत्येक कविताय् बिलिबिलि जाय्क सुलाच्चंगु दु।

चिनाखं मुना), सुन्तारो तानिकावाया कविता मुना (अनुवाद), 'पानी मात्र पानी' (लःलःखःया नेपाली अनुवाद) अले अंग्रेजी अनुवाद 'Drops of water' (१०पु नेपालभाषा व अंग्रेजी भासं अनुवाद) दुगु अन्तर्राष्ट्रिय छ्यलय् ब्ययत लायक जूगु सफू नं भीत बियाः भाःगु दु। कवि गुरु निक्वःगु खुसी 'जि छगू अभिव्यक्ति युगया' निबन्ध संग्रह 'श्रेष्ठ सिरपाः' त्याकादिल। राष्ट्रिय प्रतिभा पुरस्कार, अस्वीकृत विचार पुरस्कार, साहित्य सन्ध्या पुरस्कार, ठाकुरलाल निबन्ध सिरपाः, प्रलेस विशिष्ट सम्मान, नेवाः हना सिरपाः, न्हूजः प्रगतिशील साहित्य पुरस्कार नापं राज्यस्तरं स्वनातःगु 'नेपाल प्रज्ञा मातृभाषा साहित्य पुरस्कार'नं थुगुसी वि.सं.२०७८य् राष्ट्रपतिया ल्हातं

वयकःयात लःल्हाय्धुंकूमह व्यक्तित्व खः। मातृभाषां मच्चसैं मूल नेपाली वा अन्तर्राष्ट्रिय भाषां लः छगू विषययात जक कयाः थःगु दर्शन, बिचाः, ज्ञान विज्ञान, आध्यात्मिकता न्ह्यब्वयाः कविता च्चयादीगु खःसा, गन थ्यने धुंकल जुइ वयकः। तर थःगु मांभाय् या मतिना त्वःतामदी वय्कलं। छु धाय्फु कन्हय् नोबेल पुरस्कार हे त्याके फइला वयकःया सफुतिं ?

अन्तर्राष्ट्रिय छ्यलय् थनेत लायक जूगु 'मचयउक या धबतभव'सफू ब्वनीपिं सुं गुम्होसिनं नं 'वाह !!! गुलि गहन अले इयातगु बिचाः वयकःया कविताय्' धकाः मधाःसे गाइमखु।

'लः गबलें व वया प्रसव पीडाया छतपट्य

न्यः चःति जुयाः
तिकिनंगु दु
अन वया थःगु सृजनाया
पीडा व सुख
छत्थुं नायावःगु दु'

छपु निपु स्याच्चूगु अनुभूतिं पिदंगु रचनां वयात अमर याइ धकाः नं ज्ञान बियादी।

विषय काय्बलय् चिकीचाधंगु काय्गु याय्माः, लिपा वयात बिस्तृत

राष्ट्रिय प्रतिभा पुरस्कार, अस्वीकृत विचार पुरस्कार, साहित्य सन्ध्या पुरस्कार, ठाकुरलाल निबन्ध सिरपाः, प्रलेस विशिष्ट सम्मान, नेवाः हना सिरपाः, न्हूजः प्रगतिशील साहित्य पुरस्कार नापं राज्यस्तरं स्वनातःगु 'नेपाल प्रज्ञा मातृभाषा साहित्य पुरस्कार'नं थुगुसी वि.सं.२०७८य् राष्ट्रपतिया ल्हातं वयकःयात लःल्हाय्धुंकूमह व्यक्तित्व खः।

अथेहे 'सरासु' दुनेया चिनाखंत नं म्त्वः मजू। सरल जुयाः नं गहन अनुभूतिं भय् भय्ब्यूगु छगू दसु न्ह्यब्वय् -

'ज्याथः विश्वामित्रं थें
लुखाय् युग वयाः
थौं जितः फ्वनाच्चन'
'मां बौ नाप' कवितां

'याकःचा

चिच्छ च्यानाः

मैनमत

गुलि नुगः मस्यासैं

थःत फुकी !'

'सुथ जुयेवं' कवितां

वयकःया कविता मथू, क्लिष्ट धाइपिं नं मटुगु मखु। दुरुस्वः नय्बलय् गुलि न्हयल उलि सावक सवाः वइगु कविता वयकःया कविता खः। सरल भाषां तर गहन दर्शन व विज्ञान वयकःया प्रत्येक कविताय् बिलिबिलि जाय्क सुलाच्चंगु दु।

जिमित ज्ञान बियादी -

नुगलय् भाव बिह्वल जुयाच्चनीबलय्था भावयात छक्कलं मच्चयत धयादी।

नुगलय् स्याःगु अनुभूतिं पिज्वःगु श्रृजनां ब्वैमिया नुगलय् गबलें महुइगु छाप त्वःते फइ धकाः कनादी।

अप्वः श्रृजनां जक सुं छमह च्चमियात चर्चित याइगु मखु, वयागु

रूपं पपू थें चककाः यंकेमाः धकाः नं कनादी।

थःके बुयावःगु भाव सितिं छ्वय्मते, इलं लाकाः उकियात पूर्णता बियेगु कुतः या। थःगु अस्तित्व ल्यंकेगु सदां कुतः या धयादी।

सफू पिथनेगु खँय् गन इच्छा दइ, लँ अन अवश्य लुयावइ धकाः सकारात्मक बिचाः याय्माः धकाः कनादी।

भीगु भाय्, कला, साहित्य, संस्कृति, लिपि तःमि धकाः स्युगुलिं शासक वर्गया कुदृष्टी सदां फ्य् मालाच्चन। भीगु दुर्भाग्य ! अथेसां माल धाःसा भाय् हिलाः मेमेगु भाषाय् यंकेगु लँपु ला द हे दु। उकिं थःगु मांभासं च्चय्गु गबलें त्वःतेमते न्हिं धकाः जिमिके वचन कयादी।

थुकथं थः बिद्यार्थीतयूत हःपाःया अनन्त आशिर्वाद बीगु ल्हाः थौं अनन्त संसारय् विलीन जुयावन। छिं त्वःताथकादीगु मूवंगु कृतितासैं छिगु लुमान्त सदां बियाच्चनी। ल्यंदिनीपिं जिमिसं वयकःया म्हागस अवश्यं पूर्वकेगु कुतः याय्। थ्व जिमिगु प्रतिवध्दता जुल। जिपिं सकसियापाखें हार्दिक शब्द श्रद्धाञ्जली ! गुरुवरया अनन्त यात्रा तथागत शास्ताया पालि क्वय् वास दयमा !

निर्वाण कामना !

दुनुगलंसिसैं बिचाः हायेका

थुगु नेपाल साहित्य मन्दिरया सल्लाहकार नेपालभाषाया

आधुनिक कवि पूर्ण वैद्य

८१ दँय आकाभाकां मटुगु खँ न्यनाः जिपिं सकलें मर्माहत जुयागु दु।

मदुमह वयकःया सुखावती भुवनस बास लायेमा धइगु कामना यासैं दुःखकःपिं छँजःपिसं धैर्य धारण याये फयेमा धकाः बिचाः हायेकाच्चना।

तिलक प्रकाश कायस्थ

अध्यक्ष

नेपाल साहित्य मन्दिर

खप।



मदुमह पूर्ण वैद्य



श्रद्धाया छपासः कवि पूर्ण बैद्ययात



नारद वज्राचार्य

१.

नीगुगु सताब्दीं विश्वया काव्य ख्यलय युगांतकारी ह्यूपाः हयाबिल । पूर्वीय जुइमा वा पाश्चात्य साहित्यक प्राचीनकालनिसें न्ह्याना वयाचंगु कविताया परंपरायात हाचां गायाः न्ह्युगु मोड हयाबिल । न्हापा न्हापाया कविताया अभिव्यक्ति तप्यं लिसेलिसें अभिव्यक्ति याइगु पहः नं सकसियां उत्थे उत्थे जुइगु खः । तर नीगुगु सदीया आधुनिक अंग्रेजी कवितां प्रतीकया लँपु ज्वन, कविताया अभिव्यक्तिया लँपु हे न्ह्युगु नालाकाल । पद्यमय मजुसें गद्यमय जुल । गुकिं यानाः थ्व कवितायात न्ह्यु-कविता धायगु यात । कविताया रुप पाःगुलिं जक थ्व न्ह्यु-कविता जगु मखु । कविता बिधां हे धाः ह्युगु जुल । अभिव्यक्ति हे न्ह्यु कथं जुल । गुकिं यानाः थ्व कविता न्ह्यु-कविता जगु खत ।

विश्वया कुंकुलामय नेपालीत बुलुहं बुलुहुं वयनेगु जुल । गुकिं यानाः नेपाःमितय बिचाः, भाव, भावना नं तब्या जुल । न्ह्यागु खँय नं भारतीय प्रभाव जक लानाचवनीगु थासय आः पश्चिमी प्रभाव नं नेपाःया साहित्यय दुहावल ।

छथ्वः ल्याय्मह कवितयसं नेपालभाषाया कविताया लागाय् थ्व न्ह्यु-कविताया धाःयात दुतहल । विशेष यानाः नेपालभाषाय् थ्व न्ह्यु-कविताया धाःयात सुसनिसें थौतक क्वातुकक न्ह्याकावयाच्विपिं कवितय नां कायबलय् पूर्ण बैद्य, आनन्द जोशी, योगेन्द्र प्रधानया नां न्ह्यःने वइ । थ्वयकःपिसं थःथःगु बिस्कं बिस्कं पहः व धाः ज्वनाः भीगु कविताया ख्यःयात तब्याका वयाचवनादिल ।

थ्व हे न्ह्यु-कविताया सशक्त न्ह्यलुवाः कवि पूर्ण बैद्य अर्थात पूर्णवहादुर बैद्य - ने.सं. १०६० स ख्वप खौमा त्वाल्य बूम्ह खः । वयकःया

शिक्षा एम.एड खः । वयकःया पेशा प्राध्यापन खः । ने.सं १०८० स नीदँया बैसय् तिकिइयाः दँ १ ल्याः २ स ' जिं स्वयं' नांया प्रकाशित कविता हे वयकःया नेपालभाषा साहित्यय प्रकाशित न्हापांगु रचना खः । थीथी पत्रपत्रिकाय् फुटकर कवितात पिहां मवयक छक्वलं वयकःया कविताया पाण्डुलिपि 'सरासु' नांया सफुतिं ने.सं. १०८४ या श्रेष्ठ सिरपाः कायवं वयकः छक्वलं चर्चित जुल ।

ने. सं. १०८७ स सरासु छापय् जुया पिहांवय् न्ह्यः हे वयकःया थुगु कवितायात कयाः हनेबहःपिं समालोचक कृष्णचन्द्रसिंह प्रधान, माधवलाल कर्माचार्य, मोहन हिमांशु थापां समीक्षात्मक चर्चा-परिचर्चा यात । सकसियां छप्वाः म्हुतुं वयकःया कविता न्ह्यु-कविता जगु, वयकःयात भीगु भाषाय् न्ह्यु-कविता दुत हःगुया श्रेय बिल ।

कविवर सिद्धिचरणजुया अभिव्यक्ति न्यनेबलय् भीसं अनुभव याय्फु उबलेया परिस्थिति गथे जुल जुइ धयागु- 'थःगु मतापय् वनाच्वंमह सं मनूयात सुनां नं तयजु याः वः थें पूर्ण बैद्यया रचनां जि थाहा न्हुल ।'

अथेहे डा.कमलप्रकाश मल्लजुं 'छन्दबद्ध व परम्परागत बिषयलय् मन्दः कयाचंगु कविताय् बैद्यजुया सरासुं ता ईतक धूपवः दनीकथं भ्वखाय् ब्वयकल' धकाः धयादिल ।

वयकःया मेगु कविता सफू 'लः लः खः' खः । थ्व कविताय् कवि पूर्ण बैद्यं अनेक अर्थय लःयात बिम्बत यानाः प्रतिक कथं छ्यलादीगु दु । थ्व कविता सफू आधुनिक कविताया ख्यलय् छगू हाचां खः । विश्वय न्ह्यब्वयबहःगु सफू खः । थ्व सफू अंग्रेजी व नेपाली भाषां नं अनुवाद जुयाः पिदंगु दु ।

कविताया खँय सैद्धान्तिक व समीक्षात्मक च्वसू मुना- 'कविताया लाग' वयकःया स्वंगुगु सफू खः । ' जि छगू अभिव्यक्ति' कवि पूर्ण बैद्यया प्यंगुगु सफू, च्वखँ अर्थात निवन्ध सफू खः । कवि बैद्ययात थ्व निवन्ध सफुया निर्तिं ने.सं. ११०१ या श्रेष्ठ सिरपाः प्राप्त जगु दु ।

श्रेष्ठ सिरपाः लाःगुलिं हे भीसं अनुमान याय्फु वयकःया निवन्ध नं कविता थें हे ससक्त धकाः । भाषाय् दखल दु, शैली क्वातु, बिषयवस्तुइ



वयकःया सरलता व सालिनता खनाः सकलें प्रभावित जुल । कविताय् वयकःया प्रखरता व दखल खनाः सकलें मन्त्रमुग्ध जुल । जिपिला निमित्त मात्र खः । न्हापांगु ज्याभवः तःजि जुल । जिपिं सकलें वयकःप्रति कृतज्ञ जुया ।

मिखा ब्वयगु चाकः तचाः, गहन अध्ययन दु । अले वयकःया न्यागुगु सफू खः, वयकलं अनुवाद यानादीगु जापानी कवि सुन्तारो कानिकावाया कविता सफू ।

कवि पूर्ण बैद्यं थःगु कवितायात कयाः थथे धयादी- 'सरलताया नामय् कविताय् नारा मखु बरु नाराय् कविता दय्माः । प्रयोगशीलता हिन कोरा नाराय् जि म्हुनु न प्रयोगशीलताया नामय् निरीह वैयक्तिक व दुरुहताय् हे । जि अतिवाद मुक्त छुपु लँया खोजय् ।'

२.

आम मनूतसें आधुनिक कविता मथुल । थ्व अमूर्त चित्रकला थें जुल धयागु छगू गुनासो दयाचंगु । मेखे कविताया स्तरीकरणया नं खँ वयाचंगु । थज्याःगु इलय् कवि भाजु नविन चित्रकारया सक्रियताय् जिपिं छथ्वः पासापिं जानाः लिजः नेपाल भाषा कविता दबू नीस्वनेगु ज्या जुल । कविताय् ज्या याय्या निर्तिं थ्व दबु नीस्वनागु खः ।

आम मनू व कवितायात नाप नाप तयाः न्ह्याः वनेगु हे थ्व संस्थाया न्ह्यज्याना खः । लिजः नेपालभाषा कविता दबू नीस्वनाः दकले न्हापां १११८ जलागा ६ शुक्रवाः कुन्हु - ' कवि-पाठक अन्तरक्रिया' ज्याइवः जुल । संभवत नेपालय् थजाःगु ज्याइवः न्हापांगु खः । थ्व ज्याइवलं कवितायात थाथामथा यानाः उकिया सम्पूर्ण अंग विश्लेषण याय्गु खः । (डा.कमलप्रकाश मल्ल, ज्याइवःया सभापति) ब्वमिपिनिगु पुचलय् कवि पूर्ण बैद्यजु थःगु निपु कविता - 'सुथ जुयेवं व लःलः खः' लिसें पर्यटन बोर्डया हलय् दनादिल ।

थ्व ज्याइवल्य नेपालभाषाया लिसेलिसें नेपाली, हिन्दी, मैथिली भाय्या नांजाःपिं कवि कवयत्रीपिं नं गाक्कं हे उपस्थित जुयादीगु खः । ज्याइवःया ब्वनापौलिसें कविता नं बियाछ्वयागु कारणं ब्वमिपिन्सं कवितायात कयाः छँय हे न्ह्यसःत तयार यानावःगु जुल । करीव स्वघौतक

सुथ जुयेवं

सुथ जुयेवं
याकःचा
छछि च्यानाः
मैन मत !
गुलि नुगः मस्यासें
थःत फुकी ।

कन्हे,
सुथ जुइ मलाक
तयु जः
लिमलाः फमलां
जिगु क्वथाय् दुने थ्यंक स्वःवइ ।

तर.....
फुइ धुंक्कु मैनमत क्वसं
शहीदया हिथें
छफुति,निफुति मैन
ल्याना च्वनि ।

छवखना सलं
जः भोसुनाः
अनसं चुप्पा नइ ।

ब्वमिपिनिगु थीथी न्ह्यसःया लिसेः कविं बियादिल । न्ह्यार्थेजाःगु न्ह्यसलय् नं वयकः भचा हे बिचलित जुयामदी । वयकःया सरलता व सालिनता खनाः सकलें प्रभावित जुल । कविताय् वयकःया प्रखरता व दखल खनाः सकलें मन्त्रमुग्ध जुल । जिपिला निमित्त मात्र खः । न्हापांगु ज्याइवः तःजि जुल । जिपिं सकलें वयकःप्रति कृतज्ञ जुया ।

न्ह्यु-कविताया सुरुवात जक मखु थुकियात तब्या व तचाः याय्गु ज्या नं कवि पूर्ण बैद्यजुं यानादिल । वयकःया थ्व हे योगदानयात कदर यासें उखुन्हु तिनि नेपाल प्रज्ञा प्रतिष्ठानं (मातृभाषा प्राज्ञ पुरस्कार, २०७८) वयकःयात लः ल्हाःगु खः । भीगु भाषाया अजाःमह न्ह्यलुवाः कवि पूर्ण बैद्य, वंगु वालय् अर्थात ने.सं ११४१ गुंलागा ४ बुधवाः कुन्हु ८१ दँया बैसय् दिवंगत जुयादिल । नेपालभाषाया कविताया लागाय् ताः ईतक वयकःया अभाव महसुस जुया हे च्वनी । थुगु शोकया इलय् कवि पूर्ण बैद्यया हे छपु कविता न्ह्यब्वसें थ्व बःचाहाकःगु वयकःया योगदान व लुमान्तिया श्रद्धांजलि च्वसु थन हे दिके । अस्तु ।

आयो नून खाई स्वस्थ रहौ

आयोनिजवने फर्निचरद ह्ये विद्युतिदरः

१. नई दुर्लभ, १०० विद्युत ब्याट्री, १०० वर म्हातुं (१००) ब्याट्री, १०० वर विद्युत ब्याट्री
२. १०० वर विद्युत ब्याट्री, १०० वर विद्युत ब्याट्री, १०० वर विद्युत ब्याट्री
३. १०० वर विद्युत ब्याट्री, १०० वर विद्युत ब्याट्री, १०० वर विद्युत ब्याट्री
४. १०० वर विद्युत ब्याट्री, १०० वर विद्युत ब्याट्री, १०० वर विद्युत ब्याट्री
५. १०० वर विद्युत ब्याट्री, १०० वर विद्युत ब्याट्री, १०० वर विद्युत ब्याट्री
६. १०० वर विद्युत ब्याट्री, १०० वर विद्युत ब्याट्री, १०० वर विद्युत ब्याट्री
७. १०० वर विद्युत ब्याट्री, १०० वर विद्युत ब्याट्री, १०० वर विद्युत ब्याट्री
८. १०० वर विद्युत ब्याट्री, १०० वर विद्युत ब्याट्री, १०० वर विद्युत ब्याट्री
९. १०० वर विद्युत ब्याट्री, १०० वर विद्युत ब्याट्री, १०० वर विद्युत ब्याट्री
१०. १०० वर विद्युत ब्याट्री, १०० वर विद्युत ब्याट्री, १०० वर विद्युत ब्याट्री

संज्ञा देवः कर्णेश्वर विद्यालय
कर्मचारी सङ्घः, पो.ब.सं. ५५१, कर्णेश्वरी, काठमाडौं, नेपाल, पो.ब.सं. ५५५००५
५५०००५, ५५५००५, ५५५००५, ५५०००५, ५५५००५, ५५५००५

राम प्रजापति प्रोप्राइटर

हार्ती मिठाई भण्डार
(शुद्ध शाकाहारी)

कालिमाटी चौक, टंकेश्वर मार्ग, काठमाडौं ।
फोन नं. : ४२७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।

चिनारसँ

सुशील वीर हे

जगत वीरसिंह कंसाकार



महामानव गौतम बुद्धया जन्मभूमि नेपालय् हानं छम्ह जन्म जुल कसा:तयुगु पुच:लय् खेलाडी, व्यापारी जुजुं जुल व छम्ह सक्षम पत्रकारया खेलय् कलेजया जर्नालिजमय् स्नातक याय् धुंका कोब्बात व इनापय् नेवा: मात्रया भलो व भरोसा जुया पला न्ह्याकल विश्वभूमिय् महशूर व शूराम्ह पत्रकार धांथां जुया वल व: छम्ह सम्पादक हे

माबौया सेवा यायां थुइका हल वं गृहस्थशील नं बुद्धया वचन न्यै न्यै वा:चाल वं समाधि शील नं सत्व प्राणीपिन्त सेवाया भावना दनावल वया नुग: सुगन्धशीलं नं थ:त नुगलय् स्याकुपिं व: धा:लाकुपिं दक्वसितं केन: सहनशील नं समाजया न्ह्यने छम्ह प्रखरम्ह सेवक गुणं जाम्ह शालिनशील नं दाजुकिजा, पासा: पिनी पुच:या दथुई लोकह्वाम्ह व शूरवीरशील हे

एक चित एक मनं द्योयात प्रार्थना याय्सम्ह व: बा:मला:गु ज्या: यात धा:सा खबरदारी याइम्ह व: जनजनया सेवा सुसाकुसा विचा याया: न्ह्योने दं वइ व:छम्ह स्वास्थ्य व कानूनी सम्बन्धि ज्ञांताजुया: ग्वहाली याजुइ व:छम्ह सुइतं न्ह्यागु हे संकट वसा: एम्बुलेन्स स्वया न्हापा:थ्यो व छम्ह तम्हासिगु ज्ञान बचे यांयां थौं थ:गु हे ज्ञान पानां वंम्ह सुशीलवीर हे

इवारारा वा



रविन्द्र रजनी श्रेष्ठ

थ:गु हे छै दुनेया ध्याचलय् बेहाल जुयाच्वन

वा एकनासं क्वब्बा:गु क्वब्बातं राजमार्ग चल: नं पनात:गु दु हं सहर हाकुबजा:या म्याराथनय् ब्वानाच्वन हँ संसदय् नं चर्काचर्कि चुलिं जायाच्वन रेडियो टेलविजन हा:गु हालां हे च्वन गनं खुसिबा: नं गां चुइका यंकल मनू तन सीम्हया सनाखत मजुल सरकार चलखय् ल्यया च्वन असर्फी गामय् गरीब सिन्त्याचापिं छै मदया इत:मित: कनाच्वन ख्वाउंगु लकसय् दुरुपा चुचुप्याका: वां हे किका: च्वने मालाच्वन

वयाच्वंगु वा नापं बा: वयाच्वंगु बेवारीसे सीम्ह चल: फाया सुंका: दानावन सहरय् आन्दोलन ग्वानाच्वन पस: पस: बजा: भा: वानापं प्याना: छम्हम्ह प्याखं हुलाच्वन वा भनभन क्वब्बा:गु क्वब्बातं इवारारां दे चलखय् चुलुया वनाच्वन सरकार ठप्प जनता छक दे वाय्..... प्या:गु प्यातं !!!

थ्व पुचाइगु फय् नं छाय् धुसि लूगु जन्हुफा: मातुमाला: वइ वा नं थ्व हे चीमि ल्यया वयागु हे पलिइ क्वब्बा: वइ छै दुने हे ध्याच: याना बिइ वहे ह्वगंगु सिल:या मिखां

ख्वाउंगु भुतूया सिथय् वा ख्वबिया बा:, बा:वंका: च्वनी दुरु त्वंम्ह मचा कये च्याना गनं लिधनेत मांम्ह कुंचाय् किच: मालाच्वनी भगवानयात नं गरीबया दु:ख, सुपांय् नं कित कि छु ?

मिहग: भतिचा छुचुं ल्यंकुगु ख: थौया लागी पलिं सुटुक दुहाँवया: वहे वां घुतका ब्यूबलय् बफरा मचाबूम्ह धाला:

चिनारसँ

माँ



मिलज शाक्य, यलदवासा

माँ, छंगु नुग जाय्क मतिना दु, प्वला: क्यने मा:गु म्दु ।

छंगु मिखा जाय्क करुणा दु, उला क्यने मा:गु म्दु ।


छंगु म्हुतुइ नायुगु स: दु, अन संगीतया धा: हाय्के मा:गु म्दु ।

ख: छ दुने अथाह शक्ति दु, परीक्षाया निरतिं छुं दसु बिइ मा:गु म्दु ।

जिं स्यू, छं जिगु हरेक पलाखय् स्वाँ ह्वली अन कँ द:सा छुपु छुपु दतले लिकाइ चाहे व कँ नं थ:त हे छाय् मसुइमा: ।

ख: छं जिगु सफलताय् संसार हे त्या:गु ताय्की ।

छं जिगु हरेक असफलताय् पला: पतिकं हिम्मत बी ।



जिगु हरेक पलाखय् छं मत ज: क्यना बी । चाहे अन न्ह्याक्को हे पंग:त वय्मा: । व पंग: तछ्यानासां न्ह्यां वनेत तुतां जुया बी छ ।

जि शिखर थ्यंकेत थ:गु इच्छा, शक्ति, माया, त्याग सकतां छ्यली छं ।

उकीं, छं जिगु शक्ति ख: छं जिगु भक्ति ख: छं जिगु हिम्मत ख: छं हे जिगु सर्वस्व ख: ॥ सुभाय्

चिनारसँ

थुगुसीयापिं लाछि खिचा



कविन्द्रलाल प्रधान

खिचा लहिगु जिगु सोख न मखु सामर्थ्य न म्दु अथे धयां लहिपिं म्दुगु नं मखु मू पुला हे लहिना तइ

गथे गण्डकि काय्त ध्यबा गुलि पुल कोशि न्यायेत गुलि ध्यबा पुल महाभारत बाखंया अध्याय थें महाकालि न्यायेत गुलि ध्यबाया मू पुल आ:तक ल्या:चा: म्दु ।

तर जित खिचा त य: खुल्लमखुल्ला लाछि खिचा त स्वतन्त्रता इमिके नं दु जिके नं दु बरोबर इपिं नापला:

नकेगु फुथे नयेगु दुथे जिमिगु दिनचर्या ।

थौं कन्हय् बिस्कं जि मिखाय्, मानसपटलय् ग्वा:ग्वा: तर इपिं लाछि खिचाया किपा: मखु हिहि लनाच्वंगु नुग:पा भुतुभुनाच्वंगु दु लाछि खिचाया व्यवहार म्दु दुसा, वहे मन्थ्या रूप कया विध्वंस याना च्वंगु दु अराजक याना च्वंगु दु दुसा केवल खिचाया ल्वापु दु ।

खिचा पूजा लुमसे वइ नाप नापं चुनाव लुमसे वइ हाकन लुमं लुमं वेंचा खिचा धाय् वइ । महाभारतया युधिष्ठिर लुमसे वइ खिचा पासा हाकन लुमं लुमं पासा मखु मेगु हे धाय् वइ महाभारत ख: युधिष्ठिर मखु खिचा ख: पासा मखु ।

छक छक ल्वापु लुमसे वइ खिचा ल्वा:थें ल्वात धाइगु लुमसे वइ ख:इपिं खिचा त मखु खिचात सिबें तच्चेय्क ल्वाइपिं

खिचात ख: । उइम्ह खिचा सिमाना उखे स्वया ह्वाउँह्वाउँ जक याइ छैय् दुने खनकि न्याये थें याइ ।

उमिके थ:गु सुरक्षा नीति दु पिने यापिं बलाकि लितुलिना छ्वै म्हांसिक वल कि उ जक उया ख्यातुख्याना छ्वै गुलि हिंसि दुगु बानि जित तसकं य: ।

उकें जिं लाछि खिचा तयेत नकेगु ज्या याना ।

सपथग्रहन यागु किपा: खबरय् वल जिं जिगु लाछि खिचा यात लुमंका: छन्हू व लाछिखिचां न खिचात लहिना स्वदेश व विदेशय् शासन याइ तिति ।

छकूचा खँ लिसा कया: ल्होम्ह खिचा लहिगु सिबें गसिम्ह मन् लहिगु य: खिचात ब्वयेगु सिबें मनूत क्यनेगु य: ।

थौं देशया हुइनाभुइना खनां थुगुसि यापिं ल्वा:या लाछि खिचा त लुमंका च्वना ।

यलय् उपाकलं साया: नृसिंह जात्रा क्वचाल



उपाकलं साया: नामं नं महस्युगु यलया ऐतिहासिक नृसिंह जात्रा वंगु शुक्रबा: क्वचा:गु दु। जात्राया इवल्य थुगुसी यैया मखं त्वाया:मह पुरुषोत्तम सुवेदी राजोपाध्याय नृसिंह जुया: यल देय् चा:हुलाद्युगु ख:। नृसिंह जुयादीमह सुवेदी यैया दिगु तलेजुया मूल पूजारी नं ख:। यलया द्य:बाज्या राजोपाध्यायपिनिगु उपाकर्म गुथिइ ज्येष्ठताया आधारय् पा: नृत्याकीगु जात्राया पा: ला:मह मनुया जिलाजं अथवा भिन्वा अथवा पुरोहितयात नृसिंह दयेका: पाला:महेसिया हे छैय नं द्य: पिकया: यल देय् चा:हुकेगु

परम्परा दु। थुगुसी जात्राया पा:ला:मह यल गा:बहा:याम्ह कोमलेशानन्द राजोपाध्याय 'कोमल जुजु' जिलाजं सुवेदीयात नृसिंह दय्का: वय्क:या हे छैय नं जात्रा नृत्याकूगु ख:। अथे हे, नृसिंहया जवखं च्वनीपिं लक्ष्मी व सरस्वतीइ थुगुसी गा:बहा:या निरज राजोपाध्याय व पिम्बहा:याम्ह निधेश राजोपाध्याय च्वनादीगु ख:। नृसिंहया नृत्य:ने धुपांय् च्वना: विन्ति याना: अ:खतं न्यासिक्नीमह प्रल्हाद जुया: मखंयाम्ह विभान राजोपाध्याय च्वनादीगु ख:। गा:बहालं पिहाव:मह नृसिंहलिसं

लक्ष्मी, सरस्वती व प्रल्हादं यलया साया: रुट चा:हिला: गा:बहालय् जात्रा नृत्या:गु हे छैय थ्यका: क्वचा:गु ख:। गा:बहालं पिहाव:गु जात्रा प्यंग:थां, पिम्बहा:, नकबही, क्वालखु, भटपोल, क्वान्ति, क्वबहा:, स्वथ, मंग:, हौग:, नुग:, ओकुबहा:, थैना, चक्रबही, तिच्छुङ्गल्ली, इखालखु, जेनबहालं पुन्चलिइ जुया: गा:बहालय् थ्यका: जात्रा क्वचा:गु ख:। महामारीया अवस्थाय् विधि जक पूर्वका: जात्रा नृत्याकागु उपाकर्म गुठी व्यवस्थापन समितिया न्वकू संजय शर्मा धयादीगु दु।

दय्दसं भाद्र कृष्ण पञ्चमीया दिनय् नृत्याकाव:गु छुं नं पंग: मवयक सुथां लाकक क्वचा:सा भुखाय्, खुसिबा:, चल:लिसेया दैवी प्रकोप अले ल्वय् आदिं मुक्ति चूलाइगु जनविश्वास दु। उपाकलं साया:बलय् पिकाइमह नृसिंहयात हिरण्यकश्यपु स्याय्थुका: तं क्वलाय्थुकूमह शान्त स्वरुपयाम्ह कथं काइ सा कात्ति प्याखनय् पिहावइमह नृसिंह धा:सा तं चायाच्चंमह उपरुपयाम्ह ख:। द्य: न्यासि हे वना: देय् चा:हुली जात्रा सम्भवत: थ्व हे छगू जक ख:।

मेयर व उप मेयर सम्मानित



यै महानगरया मेयर विद्यासुन्दर शाक्य व उपमेयर हरिप्रभा खड्गी श्रेष्ठ विद्यालय शिक्षा प्रवर्तकया रुपं सम्मानित जूगु दु। सामुदायिक विद्यालयया प्रधानाध्यापकपिन्सं स्थापना या:गु संस्था 'विद्यालय व्यवस्थापन समाज' पाखें वय्क:पिं निम्ह सम्मानित जूगु ख:। स्थानीय विषयया रुपं नेपाल भाषाया अध्यापन अनिवार्य या:गुलिं प्रवर्तकया रुपं अभिनन्दन यानागु धा:गु दु।

अथेहे महानगरं विद्यालय भौतिक, वातावरणीय व शैक्षिक सुधारया लागि या:गु ज्याया कदर यासैं सम्मान यानागु धका: नं हनापतिइ च्वयात:गु दु।

सम्मान ग्रहण यासैं प्रमुख शाक्य आ यानागु ज्यायात अभि नृत्य:ने यकेमानिगु धयादिल। 'आशा मन्तिक विकास नं दी, जित: आशा दु यैं महानगरया सामुदायिक विद्यालयया स्तर सुधार जुया संस्थागत विद्यालय स्वयां थहावने फइ' शाक्य धयादिल।

अथेहे उपमेयर हरिप्रभा खड्गी श्रेष्ठ यैया पहिचान हे नेपाल भाषानाप स्वा:गुलिं नेपालभाषा अभिभावकं थ:गु मस्तयूत स्यनेमा:गु खँय ब: बियादिल। 'महानगरं स्थानीय पाठ्यक्रमया रुपं नेपालभाषा अध्यापन नृत्याकेधुकूगु दु, आ: थ्व दीमखु। वरु विस्तार जुयावनी' उपमेयर खड्गी श्रेष्ठ धयादिल।

बुद्धनगरय् बुद्ध मूर्ति प्रतिस्थापित



बौद्ध भावना केन्द्रय् प्रतिस्थापित बुद्ध मूर्तिया अनावरण जूगु दु। केन्द्रय् न्ह्यु भवन धम्महलय् ध्यान मुद्राय् दुम्ह भगवान गौतम बुद्धया प्रतिमा यैं महानगर प्रमुख विद्यासुन्दर शाक्य अनावरण

यानादीगु ख:। मूर्ति अनावरण लिपा नवासें महानगर प्रमुख शाक्य बुद्धया आदर्श व लुम्बिनीया पहिचानया निर्ति राज्यं लगानी अप्वय्कूगु धयादिल। बुद्ध नेपालय् जन्म जूगु धयाच्चंसां थनया बौद्ध केन्द्रत

पिने देय्या म्वाहालिं निर्माण, पुननिर्माण जुयाच्चंगु खँ नृत्यथंसैं शाक्य थ:गु नेतृत्वय् यैं निर्वाचित जनप्रतिनिधिपिनिगु सामुहिक निर्णय याना: नेपाली बज्रयान परम्पराया विहार निर्माणय् म्वाहालिं याय्गु नृत्याकागु दावी यानादिल।

प्रतिस्थापित प्रतिमा बाबुकाजी शाक्यया परिवारं थ: महुपिं मांअबु, जहान व काय्या नामय् दान यानादीगु ख:। प्रतिमा प्रतिस्थापन यायूत भिक्षु इन्दक स्थविरं शील प्रदान यानादीगु ख:सा भिक्षु संघपाखे वुद्धाभिषेक (मंगल पाठ) व बुद्ध पूजा या:गु ख:। भवन दय्केत महानगरं करीव ४ करोड तका आर्थिक म्वाहालिं या:गु ख:।

नेपालभाषा साहित्य ...

सक्रिय सृजनशीलताया प्रतिमूर्ति, विचारोत्तेजक बौद्धिक आत्मीय गुरुवर साहित्यिक व्यक्तित्व जिं सदां हनावयाच्चनामह वरिष्ठ कविवर पूर्ण वैद्य सर थौं बहनी मन्त धैगु हृदयविदारक खँ न्यना: स्तब्ध जुल ! वय्क:या लुमन्तिइ अनायास ख्वाबि धा: हाल। महुम्ह वय्क: सुखावति भूवनय् बासं लायेमा !! शोकाकुल परिवार प्रति जिगु भावपूर्ण समवेदना !! किपालिसं संचारकर्मी महर्जनं च्वयादीगु दु।

कवि राज दास श्रेष्ठ पूर्ण वैद्यप्रति श्रद्धान्जली प्वकुसें छन्हु हे स्वंगू पोस्ट तयादीगु दु। न्हापांगु पोस्टय् छुपु कवितालिसैं श्रेष्ठ थुकथं बिचा: हायकादीगु दु। 'सकव देशया 'नेवा: हना: सिरपा:' ससम्मानित जुयादीमह, छम्ह य:मह जि गुरु, अति हनेबह:मह, मन्त हं भिहग: व, वन हं व गन, तर दनि

व जिगु नुगलय्, वैगु 'कविताया लाग' व 'ल: ल: ख:' नापं।' निगूगु पोस्टय् महुम्ह वैद्य:या 'ल:ल:ख:' नेपाल भाषा गद्य कविता ख्यलय् छगू ज्व: महुगु कृति धासें ल:ल:ख: कविता सफूया अंग्रेजी अनुवाद मचयउक या ध्वतभच सफूया किपा ब्वयादीगु दु। स्वंगूगु पोस्टय् कुन्दनप्रसाद श्रेष्ठ च्वयादीगु स्वंगू सफूया विवेचना 'गुरुदक्षिणा' सफू व मचयउक या ध्वतभच सफूया किपा पोस्ट यासें मेगु छुपु चिनाखँ च्वयादीगु दु, ' गुरु दक्षिणा धका:, छन्त छु बि जिं, सिवाय् थ्व नुग:या, ल: निफुति, तसकं य:पिं हनेबह:पिं जि, नापं छन्त तैतये जि।'।

वैद्यया जन्म नेसं १०६० (वि.सं. १९९७) गुंपुन्हिकुन्हू ख्वपया च्वेछैं त्वाल्य जूगु ख:। गुंपुन्हिकुन्हू जन्म जूम्ह वैद्य गुंपुन्हिया न्यान्हु लिपा थ्व लोक त्व:ता: वैकुण्ठ यात्राय् वन। नेपालभाषाय् गद्य: कविता

अथवा न्हू कविता ख्यलय् वय्क:या योगदानयात ल्व:मके फइमखु। वय्क:या साहित्य ख्य:यात योगदानया कदर यासें वय्क:या थीथी सिरपालं सम्मानित नं या:गु दु। वय्कलं 'सरासू' (२०२१/नेसं १०८४), ल: ल: ख: (२०५२/नेसं १११५) लगायतया सफू पिथनादीगु दुसा छुं दैं नृत्य: वय्कया ' ल: ल: ख:.' चिनाखँ सफू अंग्रेजी भासं अनुवाद जुया: मचयउक या ध्वतभच नामं सफू पिहाव:गु ख:। वय्क:यात नेसं १०८४ (वि.सं. २०२१) स 'सरासू'या लागिं नेपा:या हे न्हापांगु साहित्यिक सिरपा: 'श्रेष्ठ सिरपा:' नं ल:ल्हा:गु दुसा वय्क: मेमेगु सिरपालं नं सम्मानित जूगु दु। नेपालभाषा साहित्य ख्यलय् गद्य कविता दयाच्चतले नेपालभाषा गद्य कवितायात न्ह्युगु धा: बियादीमह कवि पूर्ण वैद्य व हे कविताय् म्वाना हे च्वनी। महुम्ह कवि वैद्ययात श्रद्धान्जली देछा।

'छम्ह स्यनामि, छगः ल्यापटप'

यैं महानगरं कन्या मन्दिर माध्यमिक विद्यालयया स्यनामिपिन्त ल्यापटप ल:ल्हा:गु दु। 'छम्ह स्यनामि, छगः ल्यापटप' अभियान अन्तर्गत वंगु शनिबा: ब्वनेकुथिया २७मह स्यनामिपिन्त ल्यापटप ल:ल्हा:गु ख:।

२५ वडाया वडा अध्यक्ष नीलकाजी शाक्य व १७ वडाया वडाध्यक्ष नविन मानन्धरलिसैं महानगरया शिक्षा अधिकृत मोतीराज

खनालं संयुक्त रुपं ल्यापटप वितरण यानादीगु ख:।

ज्याइवल्य वडा २५ या अध्यक्ष शाक्य विद्यालय रचनात्मक ज्याइव: हया: महानगरयात स्वापू तयूत इनाप यानादिल। शिक्षा अधिकृत खनालं, चालू आर्थिक दय् महानगरं शिक्षकपिनिगु निती ल्यापटप न्यायूत बजेट विनियोजन यानागु जानकारी बियादिल।

कोरोनाया दथुइ...

कथं असोज ३ गते आइतबा: यैया क्व:ने लागाय् रथ यात्रा याइ। उगु दिनय् रथयात वसन्तपुरं साला: चिकंमुग:, जैसीदेग:, ह्यूमत, क्वीर्हित, भिंद्य:त्वालं मरु जुया: बसन्तपुलिइ हे थ्यका: रथजात्रा क्वचाइ। थुगु दिनय् राष्ट्रप्रमुखया हैसियतं राष्ट्रपतिं अले प्रधानमन्त्रीलिसैं मन्त्रीत व थीथी निकाय, नियोगया उच्च पदाधिकारीपिं वसन्तपुलिइ वया: गद्दी वैठकय् च्वना: जात्रा स्वयंय् परम्परा दु। वयां कन्हय् कुन्हु भाद्र शुक्ल पुर्णिमा (असोज ४ गते) या दिनय् यैया थ:ने लागाय् रथ साला: थ:नेया: न्यायुकी। थुगु दिनय् बसन्तपुलिं रथयात प्याफ:, यत्खा, न्यत, त्यंग:, नृत्य:खा, थाय्मरु, न्हाय्कत्वा:, असं, बालकुमारी, जनबहा:, वंग:, मखनं जुया: वसन्तपुलिइ हे थ्यका: जात्रा क्वचाइ। थुगु दिनय् सकसिया छैंय छैंय समयबजि दय्का: नय्गु लिसैं समयबजि प्वव:पिन्त इनेगु नं याइ। समयबजिलिसे विशेष स्वापू दुगु दिं जूगुलिं थुगु दियात समयबजि पुन्हि नं धाइ। रथजात्राया लिपांगु दिं असोज कृष्ण तृतीया (असोज ८) या

दिनय् नानिचाया: न्यायकेगु इवल्य् रथयात किलाग: लागाय् सालेगु याइ। व हे दिं चान्हय् १०:३६ ता: इलय् य:सैं क्वथलेगु साइत दु। य:सैं क्वथलेधुंका: थुगुसीया जात्रा विधिवत् रुपं क्वचाइ।

थुगुने कोरोना महामारीया दथुइ कडा लकडाउन नृत्यानाच्चंगु अवस्थाय् जात्रा स्थगित जूगु ख:। थुगुसी धा:सा ईन्द्रजात्रा व्यवस्थापन समितिं जात्रा नृत्याकेगु निर्णय याय्थुकूगु दु। करीब दक्क हे क्षेत्रय् खुला जुइधुकूगु अवस्थाय् स्वास्थ्य मापदण्डयात पूर्ण पालना याना: जात्रा नृत्याकेगु योजनाय् थ:पिं दुगु समितिया नाय: गौतम शाक्य धयादिल। वंगु श्रावण ३२ गतेया दिनय् ईन्द्रजात्रालिसे सम्बन्धित दक्क गुथि, खल:पुच:लिसे च्वना: जात्रा याय्गु निर्णय या:गु ख:। थ्व सम्बन्धय् यैं महानगरपालिकाया मेयर विद्यासुन्दर शाक्यालिसे सहलह जुइधुकूगु व मेयर शाक्य जिल्ला प्रशासन कार्यालय यैं, सुरक्षा निकायलिसैं सम्बन्धित दक्क पक्षयात स:ता: वैठक याय्गु बचं बियादीगु ईन्द्रजात्रा व्यवस्थापन समितिया नाय: गौतम शाक्य जानकारी बियादिल।

भीगु इच्छुमती पार्क व कोरिडोर शुभारम्भ



दु। वडा १ यू कमलपोखरीया न्हापांगु चरणया ज्या क्वचायूधुकल, दोस्रो चरणया ज्या जुयाच्वंगु दु।

अथेहे प्रदेशसभा सदस्य स्थापितं टुकुचायू दयकूगु छैं शुभेमाःगु धयादिल। 'टुकुचा गन गन बाः वनाच्वंगु दु, अन अन कोरिडोर दयकेमाः, दरबार दुने नं कोरिडोर दयकेमाः' सांसद स्थापितं धयादिल। पार्क निर्माण यायूत सार्वजनिक जग्गा पहिचान याना वडां १० लाख तका खर्च यानाः पःखाः दयकागु वडा २८ या अध्यक्ष भाइराम खड्गी धयादिल।

पार्क महानगरं निर्माण यागु खःसा कोरिडोर प्रदेशसभा सदस्य स्थापितया संसद कोषं दयकूगु खः। पार्कया लागत ३७ लाख ७० हजार खःसा कोरिडोर करीब १ करोड ३८ लाख तकाया लागतयू दयकूगु खः। कोरिडोरया लम्बाई १ सय ४० मिटर दु।

यै महानगरया मेयर विद्यासुन्दर शाक्य वडा २८ यू भीगु इच्छुमती पार्क व प्रदेशसभा सदस्य केशव स्थापितं शंकरदेव क्याम्पसपाखे प्रदर्शनी मार्ग स्वाइगु टुकुचा कोरिडोर शुभारम्भ यानादीगु दु। पार्कया उलेज्या यायूधुकाः ज्याइवलयू नवासें यै महानगरपालिकाया मेयर शाक्य, छू वडायू छू पार्क दयकेगु नीति कथं सार्वजनिक जग्गा

संरक्षण यानाः अन पार्क दयकाच्वनागु धयादिल। स्थानीय विवाद मजूस बजेटया समस्या मदुगु व अःपुक हे ज्या यायूफइगु शाक्यया धापू खः। वडा व वडानाप स्वाःगु सिमानायू विकासया सन्दर्भयू मेयर शाक्य धयादिल, 'रानीपोखरीया न्हापांगु चरणया ज्या सम्पन्न जूगु दु। दोस्रो चरणयू शान्तिवाटिका विकास यायेत्यनागु

सोह्रखुट्टे गनेद्यःयाथायू धवाखा व ल्वहं लायू सिधल



यै महानगरपालिका १६ वडा सोह्रखुट्टे सिद्धि गनेद्यःया थायू वनेगु लँयू ल्वहं लायूगु व धवाखा दयकेगु ज्या क्वचाःगु दु। देगः परिसरयू जूगु छू ज्याइवःया दथुइ

सांसद बसन्त मानन्धरं ल्वहं लायूगुलिसें धवाखा तयगु ज्या सिधःगु देगःया उलेज्या यानादिल।

श्री सिद्धि गनेद्यः प्रवेशद्वार निर्माण उपभोक्ता समिति गठन यानाः थुगु ज्या याःगु खः। बागमती प्रदेशया सांसद बसन्त मानन्धरया सांसद बिकास कोषं १८ लाख ३४ हजारया ग्वहालिं ल्वहं लायूगुलिसें धवाखा तयगु ज्या जूगु खः। उपभोक्ता समितिया काजि लक्ष्मण गमालया सभाध्यक्षतायू जूगु ज्याइवलयू १६ वडायू अध्यक्ष मुकुन्द रिजाल, सोह्रखुट्टे प्रहरी निरीक्षक प्रज्वल थपालिया व रिना थापा मानन्धरलिसेया उपस्थिति दुगु खः।

सँय-खुँ हयाः बौद्ध सम्पदा न्हंके ब्यूगु सांसद शाक्यया धापू

नेपालयू थीथी इलयू बौद्ध सम्पदा व बौद्ध धर्मयू प्रहार जूगु खँ बागमती प्रदेशया सांसद डा. अजयक्रान्ति शाक्यं न्ह्यथनादीगु दु। धर्माकर महाविहार स्वबहाःया अशोक चैत्य पुनर्निर्माण लिपा गजू छुइगु ज्याइवलयू नवासें वयकलं जयप्रकाश मल्ल जुजुया पालयू सँय-खुँ हयाः बौद्ध सम्पदा न्हंके ब्यूगु दावी यानादिल। वयां लिपा नं थीथी इलयू बौद्ध सम्पदा न्हंकेगु कुतः जूगु वयकःया धापू खः। सांसद शाक्यं इतिहासया थीथी

कालयू बौद्ध सम्पदा न्हंकेगु ज्या जूगु न्ह्यथंसें आः सकलें जानाः थज्याःगु सम्पदा संरक्षण याना वनेमाःगु खँयू वः बियादिल।

ज्याइवलयू शाक्य महाविहार संघया नायः शुभकाजी शाक्य, यै महानगरपालिका २१ या वडाध्यक्ष उदय चुडामणि बज्राचार्य नुमाःखँ तयादीगु खः।

ज्याइवलयू हनुमानधवाखा दरबार हेरचाहया कार्यालय प्रमुख



रोशन शाक्यया लिसें २१ वडायू दुजःपिनिगु नं उपस्थिती दुगु खः। सांसद डा. शाक्यया सांसद कोषया आर्थिक ग्वहालिं थुगु अशोक चैत्य व देगः पुनर्निर्माण जूगु खः।

काठमाडौं महानगरपालिकाको निःशुल्क एम्बुलेन्स सेवा

अस्पताल जानको लागि

निःशुल्क एम्बुलेन्स सेवाको लागि

सम्पर्क गर्नुहोस्

कोभिड विरामीका लागि

१०२

नन कोभिड विरामीका लागि

११८०

मा कल गर्नुहोस।



काठमाडौं महानगरपालिका

हरिभवन, सुन्धारा, काठमाडौं

दीन, दुखी व असहायपिन्त निःशुल्क स्वास्थ्य सेवा प्रदान।

दानी, सुखी व सम्पन्नयात सशुल्क स्वास्थ्य सेवा वरदान।।

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निम्ति, असहायपिन्त जक निःशुल्क



उपलब्ध सेवा

२४ सै घन्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरंग सेवा

शल्यक्रिया

- मोतिबिन्दु
- जनरल सर्जरी
- नहायूषं, नहायू, गपः
- हाड जोर्नी नशा
- पिसाव नलीया पल्थर बिना चिरफार

बहिरङ्ग सेवा

- मृदु लव्य
- प्लाःया लव्य
- युरोलोजी
- मिसा लव्य
- मवा लव्य
- वाया लव्य
- मिसा लव्य

अन्य सेवा

- जनरल मेडिसिन
- चर्म तथा यौन लव्य
- नहायूषं, नहायू, गपःया लव्य
- जनरल हेल्थ चेकअप
- शाइराइड व मधुमेह लव्य
- चिकित्सा मनोरोगविद परामर्शदाता सेवा
- ट्रेसिङ्ग
- ईण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला

२४ घण्टा
ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन : ४२१६१३८, ४२५७९९९, ४२६६२२९, E-mail: cfclinic@mail.com.np, www.free-clinic.org.np